

ЖУЖУҚ

Мустақиллик ҳуқуқ демакдир

ЮРИДИК ГАЗЕТА

1998 йил
17 июн, чоршанба

23 (35)

Газета 1997 йил 27 августдан
чиқа бошлаган

Инсон ҳуқуқлари - олий қадрият

Газетанинг ўтган сонида хабар берганимиздек, Ўзбекистон Республикаси Олий Мажлисида «Инсон ҳуқуқлари Умумжаҳон Декларацияси қабул қилинганлигининг 50 йиллиги муносабати билан «Инсон ҳуқуқлари Умумжаҳон Декларацияси ва Ўзбекистонда шахс ҳуқуқларини ҳимоя қилиш механизми» мавзусига бағишланган миллий анжуман бўлиб ўтган эди.

- Олий Мажлис Қонунчилик ва суд-ҳуқуқ масалалари қўмитаси,

- Бирлашган Миллатлар Ташкилотининг Ўзбекистондаги Ривожланиш Дастури,

- Ўзбекистон Республикаси Прократураси,

- Инсон ҳуқуқлари бўйича Ўзбекистон Республикаси Миллий Маркази ушбу анжуманинг ташаббускорлари бўлиши.

Қуйида анжуман маърузачилари ва қатнашчиларининг нутқлари баённи газетонлар эътиборига ҳавола этамиз.



Питир СИМКИН, БМТнинг Ўзбекистондаги вакили вазифасини бажарувчи:

- Инсон ҳуқуқлари масаласи урушга қарши, шахс эркинлик камситилишига қарши Бирлашган Миллатлар Ташкилоти олиб бораётган кенг қўламли тадбирларнинг таркибий қисмини ташкил этади.

Ўтган ярим йилда шу мақсадга йўналтирилган тадбирларимизда 500 дан зиёд Ўзбекистондаги ҳуқуқ-тартибот идоралари ходимларининг бевосита иштирок этганлигини мамнуният билан қайд этмокчиман.

Бу йўналишдаги фаолиятимизнинг икки муҳим жиҳатини алоҳида таъкидламоқчиман:

- ушбу ҳужжат ҳар бир шахс ҳаёти ва фаолиятининг таркибий қисмига айланиши керак;
- давлат хизматчиси ўз фаолиятида Инсон ҳуқуқлари

ЎЗБЕКИСТОН XXI АСР БЎСАҒАСИДА



Умумжаҳон Декларацияси талабларига қатъий амал қилишига эришмоқ даркор.



Нурриддин ИСМОИЛОВ,
Олий Мажлисининг Қонунчилик ва суд-ҳуқуқ масалалари қўмитаси раиси:

- Инсон ҳуқуқлари Умумжаҳон Декларацияси барча давлатлар ва халқлар манфаатларига мос келадиган умумбашорий ҳужжатдир. Янги аср остонасида бутун дунёда, шу жумладан, собиқ СССР ҳудудида юз берган барча ўзгаришлар бу ҳужжатнинг тарихий аҳомиятини бор буюклиги билан кўз ўнгимизда намоён этади. Шу маънода XXI аср бўсағасини бемалол инсон ҳуқуқларини муносиб равишда ҳимоя қилиш даври, дейиш мумкин.

Мустақил Ўзбекистон Республикаси шу даврга ўзига хос ва ўзига мос тамойиллари билан кириб келди.

Маълумки, шахс ҳуқуқлари ва эркинликларини кафолатлаш Ўзбекистон Конституциясининг муҳим бандини ташкил этади. Шу асосида қабул қил-

инган Фуқаролик Кодексига «Инсоннинг шахсий ҳуқуқларидан энг устивори унинг яшаш ҳуқуқидир», деб белгилаб қўйилган.

Бу тамойил бизнинг миллий қонунчилигимизда ўз аксини топган. Жиноят процессуал Кодексига ҳатто тергов жараёнида ҳам инсон қадр-қимматини ҳимоя қилувчи моддалар киритилган.

Шахсий ҳуқуқлар инсоннинг виждон ва диний эътиқод эркинлигини ҳам қамраб олади. Бу Асосий Қонунимизда ўз ифодасини топган. Олий Мажлисининг XI сессиясида қабул қилинган «Виждон эркинлиги ва диний ташкилотлар тўғрисида»ги қонун бу соҳада илгарига қараб ташланган муҳим қадамдир.

Парламентимиз фуқароларнинг сиёсий фаоллигини оширишга қаратилган қонун-

чиликни ривожлантиришга катта аҳамият бермоқда. Сиёсий партиялар, журналистик фаолияти, сайловчиларнинг ҳуқуқлари тўғрисидаги қатор қонунлар ана шу мақсадга хизмат қилади.

Фуқароларнинг иқтисодий, маънавий-маърифий ҳуқуқларини ҳимоя қилувчи бир қатор жуда муҳим қонунлар пакетига эгаллик ва ҳозирги пайтда бу қонунлар халқимиз ҳаётига тўбора чуқурроқ кириб бормоқда. Буларнинг барчаси Ўзбекистонда инсон ҳуқуқлари ҳимоясини кафолатловчи қонунлар тизими бир мунча шаклланди, деган ҳулосага келишимиз учун асос бўла олади.

Бизда бу мақсадга йўналтирилган қонунларни яратишда:

- инсон ҳуқуқлари бўйича халқаро андозалар;
- ривожланган давлатларнинг бу соҳадаги тажрибаси;
- миллий қадриятлар ва анъаналар;
- мустақилликнинг ўтган даврида бу борада тўпланган тажрибалар эътиборга олинди.

(Давоми 2-бетда).

Ҳафтанома

ЧОРШАНБАДАН ЧОРШАНБАГАЧА

Ўзбекистон Республикаси Президенти Ислам Каримов аҳолига тиббий хизмат кўрсатиш сифатини ошириш ва аҳоли саломатлигини яхшилаш, соғлом авлодни тарбиялаш, соғлиқни сақлаш тизимини ватанимиздаги ҳамда халқаро ижодий тажрибалар асосида яхши-лашга қаратилган Фармойишга имзо чекди.

Қаршида Бирлашган Миллатлар Ташкилоти Тараққиёт Дастури, Инсон Ҳуқуқлари бўйича Ўзбекистон Республикаси Миллий Маркази, Конрад Аденауэр номли жамғарма ҳамда журналистларни қайта тайёрлаш халқаро жамоатчилик маркази ташаббуси билан «Демократия ва ҳуқуқий давлат» мавзусига бағишланган семинар бўлиб ўтди.

Самарқандда «Одил судловни амалга ошириш ва инсон ҳуқуқлари» мавзусида халқаро семинар ўтказилди. Ушбу тадбирда вилоят ҳуқуқ-тартибот идоралари раҳбарлари, шаҳар ва туманлар прокурорлари, судьялар, адвокатлар, адлия ходимлари, шунингдек, БМТнинг халқаро экспертлари, инсон ҳуқуқлари бўйича вакиллари қатнашдилар.



Ўтган жума кuni пойтахтнинг Эски шаҳар даҳасида яна бир шодиёна бўлиб ўтди. «Жар» спорт маркази тантанали вазиятда очилди. Шаҳримизда қад кўтарган бу бетакрор спорт иншооти халқаро миқёсдаги мусобақаларни ўтказиш имкониятларига эга.

Суратда: «Жар» спорт марказининг олд томондан кўриниши.

